




# Plata dla Ploania Antermëia Sant'Antone Abat

Ploan: **siur Paul Campe**  
E-mail: **campei.paul@rolmail.net**

Calonia: **0474/520012**  
Siur Paul: **380 7345533**

UNITÉ PASTORALA




**VAL BADIA**  
www.unitepastorala.org

Ann A

16.04.2017 - GRAN FESTA DE PASCA

n. 21

## Alleluia! Alleluia! Alleluia!

 **St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18**

### Dal Vangele do San Jan:

Dailò é Pire y l'ater discepul jüs ia y fora  
y é rovà fora dal sepolcher;  
ai ê saltà trami deboriada,  
mo deache l'ater discepul ê plü asvelt  
co Pire, é chël rové por pröm dal sepolcher.  
Al s' à cufé jö y ite y à odü les fascas de lin ia por tera,  
mo al n' é nia jü ite. Tratan ê incé  
rové adalerch Scimun Pire,  
che ti gnô do, y é jü ite tl sepolcher.  
Al à odü les fascas de lin ia por tera  
y la peza dal assoius che ê stada söl cé de Gejù....




*Le Signur é ressori,  
al é veramënter ressori. Alleluia.  
Süa é la potënza y la gloria tl'eternité.  
Alleluia.*



Gottes schöpferische Barmherzigkeit kann das Leben wecken, wo uns alles tot erscheint.

Friedrich von Bodelschwingh

**BUNA PASCA  
A DÜC**

 **Letöres dla Secunda domënia de Pasca - domënia biancia - domënia dla misericordia de Chelbeldio: St.Ap 2, 42–47 | 1 Pire 1, 3–9 | Jan 20, 19–31**

**Edema liturgica dai 16.04. ai 23.04.2017**

2016	Ora	Mëssa
<b>16.04</b> <b>DOMËNIA DE PASCA</b> <b>PASQUA DI</b> <b>RISURREZIONE</b> <b>OSTERSONNTAG</b>	<b>9.30</b> <b>10.00</b>  <b>18.00</b>	<b>Corona</b> <b>Mëssa solena por la comunité</b> <b>y benedisciun dl signé</b> <i>(i sorvidus se conforta a val ü o euro, che vëgn</i> <i>partis fora dô Messa.)</i> <b>s. Mëssa ad intenziun</b>
<b>LÖNESC</b> <b>17.04</b> <b>de Pasca</b>	<b>7.25</b>	<b>s. Mëssa</b> + Iarone Erlacher + Paul Prousch + Pire Chizzali + Tin Castlunger
<b>MERTESC</b> <b>18.04</b>		
<b>MERCUI</b> <b>19.04</b>	<b>7.25</b>	<b>s. Mëssa di scolars</b> + Franz Irsara
<b>JÖBIA</b> <b>20.04</b>		
<b>VENDRES</b> <b>21.04</b>	<b>7.25</b>	<b>s. Mëssa</b> + Linda Sottrovisch
<b>SABEDA</b> <b>22.04</b>	<b>18.30 !</b>	<b>s. Mëssa prefestia</b> + siur Heinrich Videsott aniversar + Clara Paratscha
<b>23.04</b> <b>DOMENIA BLANCIA</b> <b>dla Misericordia divina</b> (indulgënza plenaria)	<b>9.30</b> <b>10.00</b>  <b>11.00</b>	<b>Corona</b> <b>Gran Mëssa por la comunité</b> a onur de s. Antone, abat families Agreiter, Tru ++ Pire y Angel Castlunger <b>Bato</b> de Annalena y Maximilian Chizzali



# Informaziuns y terminns

*I oress ti dí n bel dilan a düc chi che à daidé abelí les Festes da Pasca.*

*Siur Paul, ploan*

---

## VIJITA PASTORALA DL VËSCO TLA VAL BADIA 2017

*ti mëisc de otober y novëmber*

La sabeda, ai 13 de ma: gran incuntada de preparaziun a nivel dla valada daverta a düc dales 8.30 – 12.30 a San Martin tl Istitut Ladin

Vëndres, ai 6 d'otober: gran incuntada col Vëscò instëss dales 20.00 a Badia- Ciasa Runcher

Sabeda, ai 7 d'otober – incuntada di consëis, colauradus y uniuns y i.i.

Te vigni ploania gnarál spo tigní na mëssa y na incuntada col Vëscò, a **Antermëia y Rina la sabeda y domënia ai 25 y 26 de novëmber.**

---

**Peregrinaje dles vëdues, vëdui y porsones** sores dl Raiun da Bornech y Val Badia a „Weissenstein“ en sabeda, ai 29 d'aurí. Le bus pëia ia da San Laurënz dales 07.45 y röia indô derevers dales 18.00. Le iade y marëna söl Lech de Kaltern costa 37 €. Prëibel prenotesse pro la surastanta dl KVV de osc paisc o pro l'ofize dl KVV da Bornech 0474 411 149 cina ai 26 d'aurí.

Indoman, **Lönesc de Pasca**, inviëia la Uniun Ladins deboriada cun l'Istitut Ladin, ala **Matinee tl Istitut Ladin**, che mët man dales 10.30 cun la presentaziun dl liber "Cianties de dljia y rimes incëria" de Tone Gasser cun dessëgns de Lois Irsara (vëiga ince ultima plata).

**Referat** “Suizid – S'un jí zënza tó comié” en lönesc ai 24 d'aurí dales 19.30 a Picolin, organisé dal Raiun Sozial Val Badia adöm cun l'Assoziaziun Lichtung, cun la psicologa Ruth Warger, la psichiatra Annemarie Tasser, y i geniturs Schullian che á albü na te esperiënza cun so möt. Dedô pón fá domandes. Düc é bel inviá.

Gara dla roda "Tour of the Alps": Tan inant che la gara sciafia da passé por Börz – gnarál stlüt, ai 19 d'aurí, ca. dales 11.00 ales 12.00 la strada provinziala danter Picolin y Börz por la tapa che passa a Picolin ca. dales 11.30 y röia sön Börz ca. dales 12.00.

Aldiënza dl assessur provinzial Florian Mussner a San Martin te comun en vëndres ai 21 d'aurí, dales 9.00.

La **doturia Margarete Mahlke** é demez dai 24 ai 28 d'aurí y vëgn sostituida dal dotur Eduard Agreiter 333 13 80 852.

Reuniun generala dla **SEA** en jöbia, 20 d'aurí, dales 19.30 tl Istitut Ladin a S. Martin.

Le **Sorvisc ai Jogn** Val Badia lascia alsavei che l'ufize romagn stlüt dal mertesc 18 d'aurí cina al mertesc 25 d'aurí.



### **Alleluia!**

*Crist ressorí porta  
te ël l'umanité nòia,  
le „scé“ gloriús che Idî ti á dit ala jënt.  
L'umanité vir ciamó tl vedl,  
mo ara vá bele sura le vedl fora,  
ara vir ciamó tl monn dla mort,  
mo ara vá bele sura la mort fora,  
ara vir ciamó tl monn dl picé,  
mo ara vá bele sura le picé fora,  
la nôt n'è nia ciamó passada,  
mo al vëgn bele de. (Dietrich Bonnhoffer)*

<b>Mësses a Rina:</b>	Dom 8.30	Lön 8.30	Jöb 7.25	Sab 19.30	Dom 8.30
<b>Mësses a San Martin:</b>	Dom 10.00	Lön 9.30	Jöb 7.30	Sab 18.30	Dom 9.30

	17.04.2017	Tobias – Lorenz – Laura - Emily
	18.04 - 22.04	Stefan - Nadine
	23.04.2017	Elisa – Alissa - Miriam - Aron
	17.04.2017	Iaco Ellecosta
	22.04.2017	Marialuise Turnaretscher
	23.04.2017	Giovanna Rubatscher
	<p>Les mius aodanzes por le compliagn ti fajunse a <b>Rubatscher Enrico (86), Winkler Alfredo (79), Unterweger Luigia (75) y Pedevilla Francesco (75).</b> Döt le bun.</p>	